




古今圖書集成

中華書局影印

欽定古今圖書集成博物彙編禽蟲典

第一百七十三卷目錄

蟲部彙考

蟲圖

春秋緯 文曜鉤

淮南子 天文訓

爾雅翼 蟲

本草綱目 木蟲釋名

主治 發明 附錄 扁前

蟲部紀事

蟲部雜錄

蚊部彙考

蚊圖

爾雅 釋鳥

大戴禮記 夏小正

神異經 前荒經

埤雅 蚊

爾雅翼 蚊

本草綱目 蚊子 蚋子

賢奕 物化

直省志書 烏程縣

蚊部藝文一

蚊賦

蚋子賦

蚊賦

後蚊賦

蚊賦



蚊部藝文二 詩

聚蚊謠

蚊蟻

夜坐苦蚊

蚊部紀事

蚊部雜錄

蚊部外編

蠓部彙考

蠓圖

爾雅 釋蟲

續博物志 蓮飛

埤雅 蠓

蠓部紀事

蠓部雜錄

蠓部彙考

蠓圖

爾雅 釋蟲

方言 蠓惟釋

埤雅 蠓

爾雅翼 青蠓 蒼蠓

本草綱目 釋名 集解 主治 發明 狗蠓

直省志書 臨海縣

蠓部藝文一

青蠓賦

蠓賦

憎蠓賦

憎蒼蠓賦

唐劉禹錫
白居易
元方夔

隣寒蠓賦

廣憎蒼蠓賦

蠓說

蠓部藝文二 詩

蠓

凍蠓

蠓

蒼蠓

明駱文盛

霍燥

徐芳

宋梅堯臣

楊萬里

明郭登

朱之蕃

禽蟲典第一百七十三卷

蟲部彙考

釋名

木蟲 爾雅翼

鹿蟲 爾雅翼

牛蟲 本草綱目

蜚蠊 爾雅翼

魂常 本草綱目

扁前附錄 本草綱目

蟲圖



春秋緯

文曜鉤

水滅火故蠱螫鵠

淮南子

天文訓

日夏至蠱蟲不食駒犢

爾雅翼

蠱

蠱从艸省聲蠱从𠂔省聲蠱則有害於人若蝨傷牛馬亦田𠂔之患也蠱有數種揚浙以南江嶺間有大木蠱長大綠色始如蜩蟬啞牛馬或至頓仆蜚蠱狀如蜜蜂黃黑色又一種小者名鹿蠱大如蠅齧牛馬亦猛三蠱所食同故說苑曰蠱蟲仆柱蚊蠱失牛古語搏牛之蠱不可以破蠱言才有分能大者不必能細也好聚於牛馬之尾楚語曰譬之如牛馬處暑之既至蠱蟻之既多而不能掉其尾蓋大曰蠱小曰蟻處暑七月節牛馬之氣蒸鬱故蠱之大小集焉尾重而不掉也牟子曰昔公明儀爲牛彈清角之操伏合大故轉爲蠱蠱之聲則翹尾而躡蹠然蠱亦有不食之時淮南子曰夏至而流黃澤石精出蟬始鳴半夏生蠱蟲不食駒犢鵠鳥不搏黃口許叔重以爲五月微陰在下未成駒犢黃口肌血脆弱故蠱蟲鵠鳥應陰不搏食之也然則古者郊必用犢將事於四海山川則飾黃駒豈物所不傷純全至潔耶

本草綱目

木蠱釋名

木蠱一名魂常

李時珍曰蠱以翼鳴其聲蚩蚩故名陸佃云蠱害民故曰蠱蠱害𠂔故曰蠱亦通

集解

別錄曰木蠱生漢中川澤五月取之

蘇頌曰今處處有之而襄漢近地尤多

陶弘景曰此蠱狀似蠱而小不噉血近道草中不見有之市人亦少賣者方家惟用蜚蠱耳

蘇恭曰蠱有數種並能噉血木蠱大如蜩蟬蜚蠱狀如蜜蜂黃黑色今俗多用之又一種小者名鹿蠱亦名牛蠱市人採賣之三體同體以療血爲本雖小有異同用之不爲嫌木蠱倍大而陶云似蠱而小不噉血蓋未之識耳

陳藏器曰木蠱從木葉中出卷葉如子形圓著葉上破之初出如白蛆漸大子化折破便飛即能噉物塞北亦有嶺南極多如古度化蟻耳木蠱是葉內者蜚蠱是已飛者正如蠶蛹與蛾總是一物不合重出應功用不同後人異註耳

李時珍曰金幼孜北征錄云北虜長樂鎮草間有蠱大者如蜻蜓拂人面噉唇元稹長慶集云巴蜀山谷間春秋常雨五六月至八九月則多蠱道路群飛噉牛馬血流噉人毒劇而毒不畱肌故無治術據此則藏器之說似亦近是又段成式云南方溪澗中多水蛆長寸餘色黑夏未變爲蠱螫人甚毒觀此則蠱之變化有木有水非一端也

氣味

苦平有毒

主治

本經曰目赤痛背傷淚出瘀血血閉寒熱酸慚無子

蜚蠱釋名

蜚蠱一名蠱蟲

集解

別錄曰蜚蠱生江夏川谷五月取腹有血者良

陶弘景曰此卽方家所用蠱蟲噉牛馬血者伺其腹滿掩取乾之

蘇恭曰木蠱蜚蠱鹿蠱俱食牛馬血非獨此也但得卽堪用之何暇血充應如養鷹餓卽爲用若伺其飽何能除疾

寇宗奭曰蜚蠱今人多用之大如蜜蜂腹凹扁微黃綠色雄霸州順安軍沿塘潞界河甚多以其惟食牛馬等血故治瘀血血閉也

李時珍曰採用須從陶說蘇恭以饑鷹爲喻比擬殊乖

修治

入丸散去翅足炒熟用

氣味

苦微寒有毒

徐之才曰惡麻黃

主治

本經曰逐瘀血破血積堅痞癥瘕寒熱通利血脈及九竅

別錄曰女子月水不通積聚除賊血在胃腹五臟者及喉痺結塞

日華曰破癥結消積膿墮胎

發明

蘇頌曰淮南子云蟲散積血斲木愈齟此以類推也

李時珍曰按劉河間云蟲食血而治血因其性而為

用也成無已云苦走血血結不行者以苦攻之故治

膏血用蟲蟲乃肝經血分藥也古方多用今人稀使

附錄扁前

別錄曰有名未用曰味甘有毒主風癱癰閉利水道

生山陵中狀如牛蟲赤翼五月八月采之

附方

蛇螫血出九竅皆有者取蟲蟲初食牛馬血腹滿者

三七枚燒研湯服

附方

病篤去胎蟲蟲十枚炙搗為末酒服胎即下

產乳

撲墜瘀血蟲蟲二十枚牡丹皮一兩為末酒服方寸

匕血化為水也若久宿血在骨節中者二味等分

急備

方

蟲部紀事

集異志晉惠帝元康中洛陽南山有蟲作聲曰韓尸

尸識者曰韓氏將尸也言尸尸者盡死也其後韓謚

誅

唐書地理志淮南道黃州齊安郡土貢蟲蟲申州義

羊郡土貢蟲蟲

夢溪筆談信安滄景之間多蚊蟲夏月牛馬皆以泥

塗之不爾多為蚊蟲所鑿郊行不敢乘馬馬為蚊蟲

所毒則狂逸不可制行人以獨輪小車馬鞍蒙之以

乘謂之木馬

蟲部雜錄

荀子解蔽篇空室之中有人焉其名曰般其為人

善射以好思耳目之欲接則敗其思蚊蟲之聲聞則

挫其精是以闢耳目之欲而遠蚊蟲之聲

淮南子說林訓蟲與驢致千里而不飛無稂糧之資

而不飢

新論託附篇搏牛之蟲飛極百步若附鸞尾則一翥

萬里非其翼工所託迅也

蚊部彙考

釋名

白鳥 大戴禮記

豹脚 爾雅翼

蜻 卑雅

暑蟲 本草綱目

蚊圖



爾雅

釋鳥

鵲母

注俗說此鳥常吐蚊因以名云

大戴禮記

夏小正

八月丹鳥羞白鳥丹鳥者謂丹良也白鳥者謂蚊蚋也其謂之鳥也重其養者也有翼者為鳥羞也者進

也不盡食也

神異經

南荒經

南方蚊翼下有小蜚蟲焉目明者見之每生九卵復

未嘗有蠟復成九子蜚而俱去蚊遂不知亦食人及

百獸食者知言蟲小食人不去也此蟲既細且小因

曰細蟻陳章對齊桓公小蟲是也此蟲常春生以季

夏藏於鹿耳中名嬰蛭

卑雅

蚊

說文云蠶人飛蟲从蠶民聲亦或從昏以昏時出也俗云蚊有昏市蓋蠶成市於朝蚊成市於暮傳曰聚蠶成雷謂其昏之行也蠶民蟲暮蠶蟲田牧者病焉

一日蠶言明謂之蚊撓說文曰秦晉謂之蠶楚謂之蚊蓋蠶喜亂飛似蚊而小墜之如霧荀子所謂醯醢而蠶聚者也

而雨而生與蚊寔異一名蠶蛸列子曰蠶蛸生乎腐蠶蠶即黃甲小蟲一名與父一名守瓜爾雅云蠶與父守瓜鵲冠子曰一蠶蛸膚不寐至旦半棘入目四方弗治言物苟爲害不必在大蓋亦不在多也蚊性惡煙以艾燻之則潰長喙如針善螫

爾雅翼

蚊

蚊者惡水中子牙所化嗜人肌膚其聲如雷東方朔隱語云長喙細身晝亡夜存嗜肉惡烟爲掌指所捫

其生草中者吻九利而足有文彩吳興號豹脚蚊子所以从文以有文也亦或从昏志其出時也或從民

昏之省也又用閩越之閩蟲之在門中者大抵秋後吻輒破不能整或云更慘於未破時夏小正云丹鳥

羞白鳥丹鳥螢也白鳥蚊也謂螢以蚊爲羞糧則未知其審也金樓子云齊威公臥於柏寢白鳥營饑而

求飽因開翠紗之幃進蚊子焉其蚊有知禮者不食公之肉而退有知足者嘆切公之肉而退有不知

足者遂長噓短吸而食之及其飽也腹爲之潰公曰嗟夫民生亦猶是矣蚊爲小矣而物又附之江浦之

間有麼蟲名曰蠶螟羣飛而集於蚊睫弗相觸也栖宿去來蚊弗覺也或曰巢於蚊睫再乳而蚊不驚或

云在蚊翼下每生九卵伏成九子俱去而蚊不知惟

黃帝容成神視氣聽形若嵩山之阿而聲若雷霆此所以極小大之分也古者謝章詒板用蠶脚書亦一書之體

本草綱目

蚊

李時珍曰蚊處處有之冬蟄夏出晝伏夜飛細身利喙啞人膚血大爲人害一名白鳥一名暑蟲或作黍

民誤矣化生於木葉及爛灰中產子於水中爲子子蟲仍變爲蚊也龜鼈長之螢火蝙蝠食之故煮鼈入

數枚即易爛也

陳藏器曰嶺南有蚊子木葉如冬青實如枇杷熟則

蚊出塞北有蚊母草葉中有血蟲化而爲蚊江東有

蚊母鳥一名鷓每吐蚊一二升也

李時珍曰按元稹長慶集云蜀中小蚊名蚋子又小

而黑者爲蠛子微不可見與塵相浮上下者爲浮塵

子皆巢於巴蛇鱗中能透衣入人肌膚嚙成瘡毒人

極苦之惟搗楸葉傳之則瘡又祝穆方輿勝覽云雲南烏蒙峽中多毒蛇鱗中有蟲名黃蠅有毒嚙人成瘡但勿搔以冷水沃之擦鹽少許即愈此亦蚋蠛之類也

東有蠅母鳥生池澤茹蕙中黃白雜文鳴如鴿每鳴吐蚊一二升此禽化也

直省志書

烏程縣

水鄉多蚊豹脚尤毒東坡守湖日有詩云風定軒牕飛豹脚又云飛蚊猛捷似花鷹城中惟江渚匯無蚊以蜃氣在也

蚊部藝文一

蚊賦

水與草其漸茹育茲孽而爲蚊喙味銳於秋毫刺鋸利於芒錐無胎卵而化生搏兩翼而能飛肇孟夏以朋起迄季秋而不衰衆繁熾而無數動羣聲而成雷肆慘毒於有生迺餐膚以療飢妨農功於南畝廢女工於杼機

蚋子賦

蚋子之下有蠛子蠛子之下有浮塵子三者異乎皆狀小而黑世云巴蛇鱗介中微蟲所變耳三伏間晝飛夜息啞啄人肌膚動爲瘡瘡能飛不見其翼能嚙不見其口微眇之極雖縝密衣服亦可通透莊生焦螟之說近之也至微之蟲牙詩獨無蚋故作賦以廣之

蟲之至微名之曰蚋信乎蠛之別品爲復虱之餘裔

群巢蚊之異類結搏牛之深契附諸鬣蒸產彼蕪穢

張華之識何以辨其兩翼離婁之明何以見其長喙

伺暑絺之漏露萃豐肌而睥睨默然而至暗然而墜

人之至靈何爾爾之所衛人之至剛何爾爾之所制
狀斯咄咄顧於造物何不恣蛇虺之毒必當與之爲
避何不張虎豹之口不敢與之爲忽豈其食人之膏
血資己之肥腴念膚體之何毀痛瘡痂之難沒吾將
擷楸葉以爲焚俾爾之銷骨者也

蚊賦

明楊慎

有物於此孕於丹鷄氏於白鳥育於朱陵殷於豐草
翾翾以作狀薨薨以成象昭昭以相避冥冥以相向
閣閣栳栳以爲營郁郁彬彬以爲名露露眩雨
豐隆混聲貞女棄齡壯士挫精公子不知筮諸靈著
靈著曰計之喙嗜膚之利利在三宵孳孳羣羣醉血
不醉疾斃於掌載著頌喻寡徵諸玉瓦瓦曰仙鼠
聚糧崔葦之鄉伏龍攸戕利距森張何彼皇皇不見
肅霜瓦辭難讀諸射覆射覆大夫曰煙火其屯燈
燭其喜焦螟以爲巢蝶蝶以爲使芸瓜而來零栗而
逝秋風夕起斯害也已公子喻矣是曰蚊理

後蚊賦

前人

達古史皇創奎畫今曲脚旁低垂物則今諡曰舊民
昭凶德兮炎后品物世匱資兮蠶尾虺首罔攸遺兮
惜爾蝓化百靡宜兮擾龍儀鳳於帝庭兮嗟爾有生
胡營營兮禁鼃去臬著周經兮胡爾利榮獨無懲兮
元圭紀正烟弗昧兮丹良爲羞欣絕棄兮鼃戴山掛
聖播跡兮使爾負山諒何力兮謂爾有睫奚誰撫兮
齊條琅疏競來往兮謂爾有臂奚誰悅兮明潛宵征
侶罔雨兮旅蜚成市仙孺惕兮聚響成雷藩侯懷兮
障爾燦爾徙宜疾兮蠱不能辨對以臆兮宵翹蠕動
生以息兮假詭奸嫌寧有極兮血國三千彼貨殖兮

曷云不慘嗜有國兮赤口燒城煩言噴兮積毀銷骨
瘡痂結兮楚組齊轡疇其隔兮赤燧棘燎罔有憚兮
命曰人蠱理可說兮惟蟲能蠱各以類兮厥以恆性
賤訓貴兮人蠱不懲蟲何罪兮百爾君子無庸喙兮

蚊賦

洪若皋

余避寇越中值暑月越多蚊日中爲市其指銳如
針整之肉輒墳起夜入複帳中揮施牛白羽交逐
之不去隱於牀櫳間伺少睡則鳴鳴撲頭面余用
被蒙其首一蚊竟入被籠內揚揚飛而得志余屈
其膝而上兩足一手掣被之四旁閉之使不得逸
力用右手左右上下徧索之無蚊焉少間呀呀然
飛近腹間有欲啣狀余懼罹召寇之災遂啓之徑
雙聲嗚咽而去須臾挾數蚊鼓譟余雙額際余曰
異哉小蟲之肆惡也一至此乎昔歐陽未叔作憎
蠅賦會于蚊有遺憾焉余謂蠅止肆虐於晝而越
蚊之毒則夜以繼日惟恐不足冀明而起先以火
烟驅其室正襟危坐研墨而作憎蚊之賦賦曰
爰有盧霍是生黍民醜類殷繁姪姪姻姻出身賤昧
不可得而諮詢蔑卵胎而有附溝壑而娠或變自蟲
或化自蠶穿籍瞞貫匿里隱鄰或族叢葦或家木濱
詩張詭譎蟲也而忽冒飛禽名爲白鳥其聲唧唧趨
炎避涼利指搖屑蠅牙蝟齒飛而噬人侵肌嗜肥似
笑似嗔無父有母母頑而謂其名曰鴟伯勞之倫殘
忍食種不顧天親其聲苦苦姑殺父而棄之江津又
有母名鴟翅在腹下色黃駸而毛羽駸駸復有母焉
類鴟定睛大嗜嗜魚蝦而睨視河澗昔者天帝大合
林總沈沒食聲色貨之中萬古長夜躬睡而不肯醒

也產此三母口吐惡蟲一嘔盈鈞蠢動蠕化各銜利
針以警刺人於昏晨冒母之號而仍爲蟲身家填戶
滿野散原屯入山林則織如蟻蟻聚水際則鬱如車
輪其往來也如風其紛紜也若塵改張易范變舊換
新爲蚋入楚爲蚊入秦子子爲蠱昏昏爲蠱偕國之
諱又名曰閭無禮無義不恥不仁螭幽姬處子之室
闔王公大人之門掀簾入幕穿穴踰垣伏機槍於牀
第點青白之癰痕吸脂吮血血流歡恣窮慾所極達
隙而奔無論陶朱倚頓之富不讓點妻仲子之貧惟
文人之受毒更怨抑而難言憑几展經囊則刺眸而
刮目臨牕提象管則錐股而鑽臂偶沉吟則攢聚而
隨聲酬和暫偃息則呻吟而群問寒徹撒蘭膏而神
茹閣牙籤而氣吞至其智小而謀大地覆而天翻墜
千仞之谿而雙雙登雲臺之上而騰騰聲可以涉崕
响力可以負崑崙齊桓公一匡天下成九合之功春
秋大之蹂柏寢之臺闢翠紗之幃惟小白之肉短吸
長嘯幸天帝覺之潰其腹而視其魂中山靖王當憂
讒畏議之中含鋒暗射樹黨招朋震雷雷而構創疴
挾聲勢而折屏藩漢武居長楊五柞之館登堂遊戲
且詎且行須臾勿忍格鬪攘攘東方曼倩就不能禦
掌不能捫徒以詠明而脫郭舍人之禪至夫澤國員
女落日孤村甘肅盡而筋露誰希職景於幽盆展勤
孝子伶仃遭迍捐毛裹於華簪會不以羞苦而情原
濮陽舍人吳猛神童胆寒黃竹魂飄綠沈屏息姑嘔
而不敢少噓噴是以伯陽爲之浩嘆尼父爲之逡巡
文豹警而聊投其足陽虎躁而并喪其元鼃甲爲之
糜爛蠟帆爲之沈淪蜂蠆夜而且旦虺蛇翼而蛻蛻

形已盡矣相已窮矣滯於青旻叩於上閭慙煉陽之
祖告泰俗之神曰蚊之歷世長久惡極罪盈君民夫
婦詛呪山棲海族咸毒罹髡黥定其刑章請以參彝
論於是天帝怒烈風吹勅燧人詔雷司青帝繞榆柳
赤帝帥桑柘白帝總柘橈黑帝領槐檀列缺爲鞭策
祝融督火師燦燦燐燐燐燐燐燐燐燐燐燐燐燐燐
海之涵駕以田單之牛引以黃蓋之茨火獸張口風
豹揚肥秦宮三月丹丘期赤江東之族陳河內之
屍燎塞北之草燔嶺南之枝燭秦州之澤河西洋之
涯碎腦粉骨斷形解肢聲唯類而無遺然後群倫安
枕帖席農子絲女發婦鰥夫無裳無帷咸暑雨無怨
吝懼脅從之或逸命昆蟲以窮追蚤蝨垂天之羅
網布絡地之機絲蟻蟻庚申之編貝喏夕旦之華
池空中之蜃撤纖摺填開塞耳之坎東海焦螟重樓
壘宇架巢睫之楣南方飛蟲產子蟻蟻剖卵跂踈蟻
雛蜚蟻置孫蟻兒係累其廟鶴羈縻其剝穢復命芝
蘭盡變爲蕭艾荃蕙皆化爲菰菰標赤幟插元旂綠
烟股焚黑燭蒼炊神人掌上而燭赫鬼物石壁而難
靡白鴉張天而噪繞紫廚連雲而煮烹丹崖丙赤滄
海甲豎流沙庚白幽都千鷺極東漸而西被聲氣氤
而逃離然後河清漢淨宇朗宙殿門戶不閉帷帳無
施開襟而臥鼓腹以嬉咸曰上帝之德侯其偉而雖
然越中千河萬港境內接洽聯詎計封四而六陌總
士九而八渠以洫溝爲巷術聚蝦龜爲里閭權聲經
乎閭側漁歌聽於枕餘盼井甃而遊鯉鯉舉林帷而
采荷葉撫簪櫪而洞庭彭蠡出門畿則雲夢方諸泉
流迸集而映咽濕壤激積而汚淤蚊子爰居而爰處

蚊母燕樂而燕宵蚊婦宜家而宜室蚊孫聚族而聚
盧益焚山而終乾象禹治水而晏宮車刺天一爲蜚
蟲之宅剖地竅爲龍蛇之滌雖漏江而涸海蚊又安
可得而驅除亂曰已矣乎此邦不可與居歷吉日今
余將往步余馬兮低余輿儵然絳雪白雲之館飄乎
鶴坡昆崑之區徜徉胥山而弔鵝池之玉女棲遲演
水而問鵠王之寶珠歷江浦而尋李姥涉沙潭而訪
吳妹遊六虛而周上下叩閭闔而望天駒訪南陽卓
公而問濟世之善術問大梁光祿而策所以防身之
良圖也畢賦而蚊聲爲之少息或曰此火煙之力也
豈墨煙之力歟余曰唯唯

蚊部藝文二

聚蚊謠

唐劉禹錫

沈沈夏夜蘭堂開飛蚊何暗聲如雷嘈然歛起初駭
聽殷殷若自南山來喧騰鼓舞喜昏黑昧者不分聽
者惑露花滴瀝月上天利耆迎人著不得我軀七尺
爾如芒我孤爾衆能我傷天生有時不可遏爲爾設
幄潛匡牀清商一來秋日曉羞爾微形飼丹鳥

蚊螋

白居易

巴微炎毒早二月螋蚊生咆膚拂不去遠耳薨薨聲

斯物頗微細中人初甚輕如有膚受譖久則瘡瘡成
疳成無奈何所要防其萌麼蟲何足道潛喻儆人情
夜坐苦蚊

元方變

萬物有常理動息隨昏昕區區蟲豸中惡毒無如蚊
云是鬼母化佛語非傳聞喙尺利芒刺腰圍隱花紋
飢尋飛翅飽飲醕顏醕搏噬以自肥乘時鼓妖氛
潛伏草莽間窺伺日向墮須臾便四出攢集窮窟垠
橫空聚復散如布鵝鵝軍騰身飛飛捷發響迅雷礮
瞥然闔門戶來者何續紛不但入翠幕偏工惱紅裙
端坐缺隄障各各磨牙齧血肉生咀嚼斑駁瘰與戰
如塗壁宮血丹砂服兼斤執扇不住手搖動酸骨筋
或時中指麾股輪血未縛雖能殺一二未足空其羣
有來效方略雄草收齋齋延燒燭燭焰殺氣凝陰雲
羅空燭鴉隼搜野醺醺醺醺醺醺醺醺醺醺醺醺醺
自從生盤古元氣日磔分有生潰亂出甘苦更莫芬
而我墮世味未能去擅董天陽燂六合曼膚似遭焚
之蟲井搜攪入夜無一傾誰知有制伏火攻策奇勳
當如運甕法百匝不憚勤事會靡終極來者徵吾文
蚊部紀事

列子殷湯篇江浦之間生麼蟲其各曰焦螟羣飛而
集於蚊睫弗相觸也栖宿去來蚊弗覺也離朱子羽
方晝拭背揚眉而望之弗見其形臚俞師曠方夜撻
耳俛首而聽之弗聞其聲唯黃帝與容成子居崆峒
之上同齊三月心死形廢徐以神視塊然見之若嵩
山之阿徐以氣聽倅然聞之若雷霆之聲

金樓子白鳥蚊也齊桓公臥柏寢謂仲父曰一物失
所寡人悒悒今白鳥營營是必饑耳因開翠紗幮進

之

五色線郭舍人曰客從東方且歌且行不從門入踰我園牆遊戲中庭上人殿堂擊之拍拍死者穰穰格鬪而死主人不傷是何物東方朔曰利喙細身晝匿出昏嗜肉惡煙掌指所捫臣朔愚戇名之曰蚊舍人辭窮不免脫釋

後漢書徐登傳趙炳嘗臨水求度船人不和之炳乃張蓋坐其中長嘯呼風亂流而濟於是百姓神服從者如歸章安令惡其惑衆收殺之人爲立祠堂於永康至今蚊蚋不能入也

晉書吳猛傳猛豫章人也少有孝行夏日常手不驅蚊懼其去己而噬親也

廣州先賢傳羅威性至孝遇寒常以身溫席母乃寢夏月必撤帳而臥曰吾供蚊蚋恐去嚙老母也孝子傳鄧展父母在牖下臥多蚊展伏牀下以膚飼之

誠齋雜記宋武帝節儉張妃房帷碧絹蚊帳

南史梁武帝丁貴嬪傳貴嬪諱令光譙國人也少時與鄰女月下紡績諸女並患蚊蚋貴嬪弗之覺也

書蕉江陵古岸有李姥浦浦中偏無蚊蚋之患梁元帝金樓子云荊州高齋夏月無白鳥余亟寢處其中及移他齋則蚊聲如雷數丈之間如此之異白鳥蚊也

梁書孫謙傳謙自少及老歷二縣五郡所在廉潔居身儉素牀施蓬除屏風冬則皮被莞席夏日無幃帳而夜臥未嘗有蚊蚋人多異焉

萬安縣志蝦蟆渡在縣治西門對江唐張九齡由京

陵抵洪都溯流而上舟次渡前館客陳暉山有詩曰元駒名古渡投老黍民無元駒蝦蟆也黍民蚊也以蝦蟆口向西門故城內無蚊患今兵馬上下繫舟渡處插篙損石蝦蟆之口壞而黍民復生矣

辨疑志潤州城南隅萬歲樓俗傳樓上烟出不祥開元前以潤州爲凶缺董琬爲江東採訪使嘗居此州其時盡日烟出刺史皆憂懼乾元中復然圓可一尺餘直上數尺吏密伺其煙乃出於樓角隙中逼而視之則蚊蚋也

雲仙雜記丁繫自尚書郎參靈度禪師棄官修道日食脫粟二升諸僧鉢水一盂夏月夜禪雖飛蚊啞食終不搖動坐夏既滿面爲破爛

酉陽雜俎相傳江淮間有驛俗呼露筋嘗有人醉止其處一夕白鳥姑嘔血滴筋露而死據江德藻聘北道記云自邵伯掠三十六里至鹿筋梁先有邏此處足白鳥故老云有鹿過此一夕爲蚊所食至曉見筋因以爲名

冷齋夜話范仲淹少時求爲泰州西溪監鹽其志欲

吞西夏知用兵利病耳而靡舍多蚊蚋文正戲題其壁曰飽去樓桃重飢來柳絮輕但知離此去不用問前程雖戲笑之語亦愷悌渾厚之氣逼人况其大者乎

避暑錄話歐陽文忠滁州之貶作憎蠅賦晚以濮廟事亦厭言者屢困不已又作憎蚊賦皆不能無芥蒂於中而發於言

銷夏吳興之東林沈東老能釀十八仙白酒一日有客自號回道人長揖於門曰知公白酒新熟遠來相

訪願求一醉實熙寧元年六月十九日也公見其風骨秀偉楚然起徐觀其碧眼有光與之語其聲清圓於古今治亂老莊浮圖氏之理無所不通知其非塵埃中人也因出酒器十數於席回公自日中至暮已飲數斗無酒色是夕月微明漱暑未退蚊蚋尚多待人秉扇驅蚊偶滅一燭回公乃命取竹杖以餘酒喂之插於遠壁須臾蚊蚋盡棲壁間而所飲之地灑然東老欲有所叩先託以求驅蚊之法回云且飲小術烏足道哉

春渚紀聞東坡帥杭日與徐璣全父坐雙檣堂公指二檣曰二疏辭漢去璣應聲云大老入周來公爲擊節久之璣之子端崇字崇之少時俊偉落筆千字有人得山谷道人清江詞示之者崇之曰山谷當今作者所知漁父止此耶或詩爲賦援筆立就其末魯邦司寇陳義高三閭大夫心徒勞相逢一笑無言說去宿蘆花又明月識者奇之政和間余過訪其隱居坐定爲余曰數夕頗爲飛蚊所擾夜不能寐因得一絕句云空堂夜合勢如雲溝壑寧知過去身滿腹經書盡膏血那知通夕不眠人時蔡京當國方引用小人布列要近賦外橫斂以供花石之費天下之民殆不聊生而無敢形言者崇之託以規諷云

宋史沈倫傳倫好釋氏信因果嘗盛夏坐室中恣蚊蚋嚼其膚童子秉箠至輒叱之冀以徹福夢溪筆談信安滄景之間多蚊蠱夏月牛馬皆以泥塗之不爾多爲蚊蠱所斃郊行不敢乘馬馬爲蚊蠱所毒則往逸不可制行人以獨輪小車馬鞍蒙之以乘謂之木馬

祛疑說余自幼愛接道友有一人能呼鼠羣聚久之
遣去亦能祛蚊自謂以法追禁始亦疑之久相與處
察其動靜悉非咒法每欲呼鼠必先期收市很糞黑
犬皮之類惟祛蚊之術不可知一夜醉寢取其簾中
香末試燒蚊悉遠去但不知其用藥然正作荷花香
來日叩之微笑不答想亦荷花之鬚耳

指月錄袁州仰山行偉禪師夏夜坐深林袒以飼蚊
蛎

瑯嬛記閨門沙盆潭獨無白鳥帳幕可已與滇中寶
珠寺荊州李姥浦同

蚊部雜錄

晏子春秋外篇景公問晏子曰天下有極細乎晏子
對曰有東海有蟲巢於蠹睫再乳再飛而蟲不為驚
臣嬰不知其名而東海漁者命曰蠹螟
列子仲尼篇目將眇者先睹秋毫耳將聾者先聞螻
飛

說符篇蚊螬啗膚非天本為蚊螬生人

莊子人間世篇愛馬者以筐盛矢以屨盛溺適有蚊
蠱僕緣而拊之不時則缺銜毀首碎胷意有所至而

愛有所亡不可不慎邪

應帝王篇肩吾見狂接輿狂接輿曰日中始何以語
女肩吾曰告我君人者以已出經式義度人孰敢不
聽而化諸接輿曰是欺德也其於治天下也猶涉海
鑿河而使蚊負山也

鵲冠子夫蚊蠱墜乎千仞之谿乃始翔翔而成其容
荀子解蔽篇空室中有人焉其名曰飯其為人也善
射以好思耳目之欲接則敗其思蚊蠱之聲聞則挫
其精是以關耳目之欲而遠蚊蠱之聲

易林飛蚊汚身為邪所率青蠅分白真孝放逐
大戴禮記諸志篇聖人有國則蠱蠱不食天駒
淮南子倣真訓雲臺之高墮者折脊碎腦而蚊蠱適
足以翺翔

詮言訓涵牛之鼎沸而蠅螬弗敢入
說林訓醯酸不慕螬螬慕于醯酸

法言淵騫篇或問貨殖曰蚊血國三千
抱朴子刺驕篇蠅螟屯蚊眉之中而笑彌天之大鵬
寸鮒游牛迹之水不貴橫海之巨鱗
廣譬篇蚊螬集鷹首則鷹不敢啄鼠往虎側則狸大
不敢議

論仙篇蚊螬啗膚則坐不得安

北戶錄端新州有鳥類青鵝而嘴大常在池塘間捕
魚而食每作一聲則有蚊子羣出其口按小雅曰鵲
鳥似烏而大廣志云蚊母此鳥吐出蚊也土人云其
翅堪為扇惟辟蚊子與陳藏器說同又云塞北有蠱
母草嶺南蠱母木南越志云古度樹一呼那子南人
號曰柁不華而實實從木皮中出如綴珠璫其實大

如櫻桃黃即可食過則實中化蛾飛出亦有為蚊子
者

唐國史補江東有蚊母鳥亦謂之吐蚊鳥夏則夜鳴
吐蚊子叢葦間湖州尤甚南中又有蚊子樹實類柁
把熟則自裂蚊盡出而空殼矣

續博物志土濕則生蚊

物類相感志九月九蚊子嘴生花

浮萍乾焚煙熏蚊蟲則死

荆葉逼蚊蟲

麻葉可逼蚊子

三月三日收薺菜花置燈擎上則飛蛾蚊蟲不投

聞見後錄歐陽公云予作憎蠅賦蠅可憎矣尤不堪
蚊子自遠嚙喝來咬人也

墨莊漫錄杜子美微意深遠考之可見如寄劉映州
伯華使君長篇尾句云江湖多白鳥天地亦青蠅人
多指白鳥為鷺非也按月令仲秋之月羣鳥養羞註

引夏小正曰九月丹鳥羞白鳥說者謂蚊蚋也又金
樓子云齊威公臥於柏寢白鳥營飢而求飽公開翠
紗之幃而進焉有知禮者不食而退有知足者啗肉
而退有不知足者長噓短吸而食及其飽者腹為之
潰蓋戒夫貪也又詩人以青蠅刺讒然則公詩蓋言
天下多貪讒之人耳

齊東野語吳興多蚊每暑夕浴罷解衣盤礴則營營
羣聚啗喉不容少安心每苦之坡翁嘗曰湖州多蚊
蚋脚尤甚且見之詩蓋湖之脚脚蚋著名久矣舊
傳崇王入侍壽皇聖語云聞湖州多蚊果否後待宴
因以小金盒貯脚脚者數十枚進呈蓋不特著名亦

且塵乙覽矣蓋蚊乃水蟲所化澤國故應爾聞京師獨馬行街無蚊蚋人以爲市井燈火盛故也吳興獨江子匯無蚊蚋傳馬自然嘗泊舟於此所致故錢信平望蚊詩云安得神仙術試爲施康濟使此平望村如吾江子匯然余有小樓在臨安將軍橋面臨官河汚穢特甚自暑徂秋每夕露眠寂無一蚊過此僅數百步則不然矣此亦物理之不可曉者渡淮蚊蚋尤盛高郵露筋廟是也孫公談圖云泰州西洋多蚊使

者按行以艾烟燻之方少退有一廳吏醉仆爲蚊所啗而死世傳范文正詩云飽似櫻桃重飢如柳絮輕但知從此去不要問前程即其地也聞大河以北河水一帶如雲如烟若信安滄景之間夏月牛馬皆塗之以泥否則必爲所斃按爾雅鴝蠹母一名蚊母相傳此鳥能吐蚊陳藏器云其聲如人嘔吐輒出蚊一二升李肇唐史補稱江東有蚊母鳥亦謂之吐蚊鳥夏夜則鳴吐蚊於叢葦間湖州尤甚又曰端新州有鳥類青鵝而嘴大常於池塘捕魚每一鳴則蚊羣出其口亦謂之吐蚊鳥又謂之鵝然以其羽爲扇却可辟蚊嶺南又有蚊子木實如枇杷熟則自裂蚊盡出而實空塞北又有蚊母草者其說亦然淮南子曰水蠶爲蠃子子爲蠃免蠃爲蠃物之所爲出於不意弗知者驚知者不怪今子子汚水中無足蟲也好自伸屈於水上見人輒沉久則蛻而爲蚊蓋水蟲之所愛明矣東方朔隱語云長喙細身晝亡夜存嗜肉惡烟爲指掌所捫若生草中者吻尤利而足有文彩號爲豹脚又其字或從昏志其時也又爲閭以蟲之在門中也說文曰秦謂之螞楚謂之蚊夏小正云丹鳥螢

也羞白鳥謂螢以蚊爲糧云然則育蚊者非一端固不可專歸罪於水也因萃數說戲爲吾鄉解嘲
椰嬛記蚊投水中能化小魚小魚不獨魚子生也推篷寤語山氣多蠅水氣多蚊邵伯實應多蚊故有烈女露筋之跡以揚越巨浸故也
居家宜忌五日硃砂寫白字倒貼辟蚊蟲爲儀方二字倒貼亦妙

蚊部外編

中華古今注昔河內人見有人馬數千萬皆如黍米遊動往來從旦至暮家人舉火燒之人皆蚊蚋馬皆成大蟻故呼蚊蚋曰黍民

蝶部彙考

釋名

蠛蠓 爾雅

醯鷄 莊子

蝶圖



爾雅

釋蟲

蠛蠓

註小蟲似蚋喜亂飛 小蟲似蚋亂飛者也名蠛又名蠛蠓列子云生朽壤之上因雨布生得陽而死一名醯鷄莊子云孔子與老聃語出告顏回曰丘之於道也其猶醯鷄與郭象云醯鷄者甕中蠛蠓是也
續博物志
蓬飛

郭璞曰蓬飛禮則天風春則天雨蓬蠛也

埤雅

蝶

小蟲似蚋亂飛者也一名醯鷄列子曰醯鷄生乎酒又曰食醯醢醢生乎食醯黃軋食醢醢醢即蝶是也孔子曰丘之於道也其猶醯鷄與微夫子之發吾覆也吾不知天地之大全制字从蒙音謂之懵以此爾雅曰蠛蠓蠛孫炎注云蠛蠓此蟲微細羣飛郭璞亦

曰蠓飛磴則天風春則天雨此言蠓蠓將風則旋飛如磴一上一下如春則雨矣然其圖贊又曰風春雨磴二說不同也

蠓部紀事

莊子田子方篇孔子見老聃出以告顏回曰丘之於道也其猶醯雞與微夫子之發吾覆也吾不知天地之大也

漢實錄周太祖軍至北郊時慕容彥超自負沉勇謂上曰北來諸將臣盡諳知以臣觀之蟬蟬蟬蟬耳括異志光嚴菴王議之塋瀕湖占勝爲一方冠東南皆杭州遠峯列如筆架一塔屹於波心文鋒挺立登名仕版者世有其人視他族爲最盛淳祐間忽樹間出煙一道遠近莫不驚異有細視之者其間有蠓蚋不可計從樹中出終日不絕蓋此烟卽此所成不知何異

蠓部雜錄

列子湯問篇朽壤之土春夏之月有蠓蚋者因雨而生見陽而死

蠓部彙考

釋名

蒼蠓 詩經

麻蠓 爾雅異

青蠓 詩經

狗蠓 本草綱目

蠓圖



爾雅

釋蟲

蠓醜扇

註好搖翅 此辨蟲屬所生及所好之狀不同者也醜類也青蠓之類好搖翅自扇

方言

蠓雜釋

蠓東齊謂之羊

此亦轉語耳今江東人呼羊聲如蠓凡此之類皆不宜別立名也

陳楚之間謂之蠓自關而西秦晉之間謂之蠓

卑雅

蠓

蠓好交其前足有絞繩之象故繩之爲字从蠓省準生於隼繩生於蠓其義一也亦好交其後足搖翅自扇故爾雅曰蠓醜扇也段氏云蒼蠓聲雄壯青蠓聲清聒其聲皆在翼又曰青蠓囊尤能敗物雖玉猶不免所謂蠓囊點玉是也蓋青蠓善亂色蒼蠓善亂聲故詩以青蠓刺讒而鷄鳴曰匪鷄則鳴蒼蠓之聲也一章曰蒼蠓之聲言耳聞疑而起也二章曰日出之光言目見似而起也青蠓首赤如火背若負金蒼蠓又其大者肌色正蒼今俗謂之麻蠓傳曰以冰致蠓蠓逐矣懷蛆繁利常喜暖而惡寒故遇水輒側翅遠引所謂夏蟲不可與語冰者也類從曰蠓生於灰蓋蠓值水溺死以置灰中須臾卽活淮南子以爲爛灰生蠓正謂此也張敞書曰蒼蠓之飛不過十步託於騏驥之疑則致千里此言附善之益有如此也

爾雅翼

青蠅

青蠅古以喻讒人以其所趨甚汚終日營營而不知止又爲聲以亂人聽故以比然必言止於樊棘者鄭氏以爲欲其遠之常限之藩籬之外此不然也夫物之逐臭者投隙而進豈能限絕蓋室之匿必植榛棘爲藩以蔽之正蠅所宜集止耳說者又以青蠅點白爲黑點黑爲白由昔相傳如此歐陽公獨以爲今之青蠅所汙甚微以黑點白猶或有之然其微細不能變物之色詩人惡讒言變亂善惡其爲害大必不引以爲喻至於點白爲黑則未嘗有之據今青蠅之行好遺矢於物上遇物之潔者則見論衡曰清受塵白受垢青蠅所汚常在練素此所謂點白爲黑也至其循繞研上引取墨汁斯須之頃盈寸白駁矣則所謂點黑爲白者也二者爲害雖微然傷物之全亂物之正實自此始正當謹以爲戒也故法言或問蒼蠅紅紫曰明視以蠅變白黑紅紫亂朱故也君子之於讒也初蓋易之至於亂之又生而後君子信讒此詩亦然故首章但言母信讒言至其第二章則已交亂在外之四國至其第三章則雖同心如我二人者亦不能以相有其始終之而不忌皆如此蠅矣漢昌邑王賀夢青蠅矢積西階東可五六石以問讎遂遂亦勸放逐左側讒人而魏何晏夢青蠅數十來鼻端驅之不去管輅亦以爲鼻者天中今蠅臭惡而來集之位峻者顯輕豪者亡詩人取喻豈虛乎哉

蒼蠅

蒼蠅之潔者雅有青蠅風有蒼蠅蒼蠅比於青蠅

而小其色蒼好集几案食飲上者是也齊詩曰匪雞則鳴蒼蠅之聲段成式以爲蒼蠅聲雄壯青蠅聲清恬而卑雅亦云青蠅首赤如火背若負金蒼蠅又其大者肌色正蒼今俗呼謂之麻蠅段氏則以青蠅與蒼蠅交互言之陸氏言蒼蠅則非今雖有麻蠅一種然比此二種絕少又蠅之小者其色自蒼今人正謂之蒼蠅不待別引且詩以齊哀公荒淫怠慢故陳賢妃貞女夙夜警戒相成之道宮寢之間懷芭握蘭之所豈大於青蠅者所宜集耶

本草綱目

釋名

李時珍曰蠅飛營營其聲自呼故名

集解

李時珍曰蠅處處有之夏出冬蟄喜暖惡寒蒼者聲雄壯負金者聲清恬青者糞能敗物巨者首如火麻者茅根所化蠅聲在鼻而足喜交其蛆胎生蛆入灰中蛻化爲蠅如蠶蛹之化蛾也蠅溺水死得灰復活故淮南子云爛灰生蠅古人憎之多有辟法一種小蟬蛛專捕食之謂之蠅虎者是也

主治

李時珍曰拳毛倒睫以臘月蟄蠅乾研爲末以鼻頻臭之即愈

發明

李時珍曰蠅古方未見用者近時普濟方載此法云出海上名方也

狗蠅集解

李時珍曰狗蠅生狗身上狀如蠅黃色能飛堅皮利

喉嚨狗血冬月則藏狗耳中

主治

李時珍曰痰癰不止活取一枚去翅足麝香爲丸衣以黃丹發日早米飲吞之得吐即止或以蠅丸酒服亦可搗酒服治痘瘡倒靨

發明

李時珍曰狗蠅古方未見用者近世醫方大成載治瘡方齊東野語載托痘方蓋鼠負牛蝨之類耳周密云同僚括蒼陳坡老儒也言其孫三歲時發熱七日痘出而倒靨色黑唇口冰冷危證也遍試諸藥不效因求卜遇一士告以故士曰恰有藥可起此疾甚奇因爲經營少許持歸服之移時紅潤也常懇求其方乃用狗蠅七枚搗細和醋酒少許調服爾夫痘瘡固是危事然不可擾大要在固臟氣之外任其自然爾然或有變證則不得不資於藥也直省志書

臨海縣

蠅色蒼又一種赤首者名景跡

蠅部藝文一

青蠅賦

晉傅咸

幸從容以閒居且遊心於典經覽詩人之有造刺青蠅之營營無纖芥之微用信作害之不輕既反白而爲黑恆懷蛆以自盈穢美玉之鮮潔靈嘉有之芳馨滿堂室之薨薨執閭寓之得情

蠅賦

有序

魏元順

余以仲秋休沐端坐衡門寄想琴書託情紙翰而蒼蠅小蟲往來牀几疾其變白聊爲賦云

遐哉大道廓矣洪氛肇立秋夏爰啓冬春既含育於萬性又芻狗而不仁隨因緣以授體齊美惡而無分生茲穢類靡益於人名備羣品聲損衆倫散經纖翼紫首蒼身飛不能迴聲若遠聞點綴成素變白爲黑寡近蘭芳徧食穢食集桓公之屍居平叔之側亂鷄鳴之響毀皇宮之飾習習戶庭營營荆棘反覆往還譬彼讒賊膚受既通潛潤罔極緝緝幡幡交亂四國於是妖姬進邪士來聖賢擁忠孝摧周昌拘於美里天乙囚於夏臺伯奇爲之痛結中生爲之蒙災鴟鴞悲其室採葛懼其懷小弁隕其涕壹均表其哀自古明哲猶如此何況中庸與凡才若夫天地養各有

所親獸必依地鳥亦憑雲或來儀以呈祉或自擾而見文或負圖而歸德或銜書以告眞或夭胎而奉味或殘軀以獻珍或主皮而典禮或牢饗以供神雖死生之異質俱有益於國人非如蒼蠅之無用唯構亂於蒸民

憎蠅賦

宋孔武仲

方盛夏之怊怛兮氣蘊蘊以熏心斥纖綿而不御今將釋履而投簪切於身而猶若此兮又况乎外物之相侵而是時也有曰蠅者或形小於烏豆或衣藍而冠赭其來無端其聚而積汝腹何貯汝足何歷緣眉目與口吻又自恃其羽翼吐舌持髭並肱交蹠暫却復還以千爲百是可憎矣吾將數之若夫親賓之會處景物之佳時賞芳樽以晤語援柔毫以賦詩酒未行而已醉膳甫至而先知浮瓜於泉沉李於水清塵埃以灑掃潔榮著以滌洗而乃會面叱壯公遺漫矢宵漏初息晨光向微皓露凝草清風淅衣幸親聽之

蕭散已薨薨而四飛飽食方休炎暉正午偃匡牀以假寐蔭華棖而逃暑忽何便而投隙集體同於飛蠱我坐爾至我行爾隨扇不暇執拂不暇施雖有軀之七尺曾衆寡之莫知四序之間可畏者夏汝司其晝蚊司其夜嗟方寸之甚小爲百煩之所舍乃曰人於萬物是亦一蟲紛然雜處大小相攻今則暫存之氣息至穢之形骸外有蚤蝨內有蟻蚋蓋與生以終始非有時而去來舍此不思而惟蠅是責則我亦福矣何異拔劍而逐之哉

憎蒼蠅賦

歐陽修

蒼蠅者蠅吾嗟爾之爲生既無蜂蠆之毒尾又無蚊蠱之利齒幸不爲人之畏胡不爲人之喜爾形至眇爾欲易盈杯盃殘滌砧几餘腥所希秒忽過則難勝若何求而不足乃終日而營營逐氣尋香無處不到頃刻而集誰相告報其在物也雖微其爲害也至要若乃華棖廣廈珍簾方牀炎風之燠夏日之長神昏氣蹙流汗成漿委四支而莫舉眊兩目其茫洋惟高枕之一覺冀煩猷之暫忘念於爾而何負乃於吾而見殃尋頭撲面入袖穿裳或集眉端或沿眼眶目欲瞑而復警臂已痺而猶撲於此之時孔子何由見周公於髮髯莊生安得與蝴蝶而飛揚徒使蒼頭丫髻巨扇揮颺咸頭垂而腕脫每立寐而顛僵此其爲害者一也又如峻宇高堂嘉賓上客沽酒市脯鋪筵設席聊娛一日之餘閑乃爾衆多之莫敵或集器皿或也几格或醉醇酎因之沒溺或投熱羹遂喪其魄諒雖死而不悔亦可戒夫貪得尤忌赤頭號爲景迹一有沾汙人皆不食奈何引類呼朋搖頭鼓翼聚散倏忽往來絡繹方其賓主獻酬衣冠儼飾使吾揮手頓足改容失色於此之時王衍何暇於清談賈誼堪爲之太息此其爲害者二也又如醴醢之品醬醢之制及時月而收藏謹緝疊而固濟乃衆力以攻鑽極百端而窺覷至於大截肥牲嘉肴美味蓋藏稍露於罅隙守者或時而假寐纔稍怠於防嚴已輒遺其種類莫不養息蕃滋淋漓滴敗壞使親朋卒至索爾以無歡戚復懷憂因之而得罪此其爲害者三也是皆大者餘悉難名嗚呼止棘之詩垂之六經於此見詩人之博物比興之爲精宜乎以爾刺諷人之亂國誠可嫉而可憎

憐寒蠅賦

明駱文盛

吁嗟乎寒蠅爾胡爲乎有生繁氣序之流易歛涼飈之襲楹念爾類之尚繁顧非時而營營豈弱質之能久諒寒威之莫勝爾乃僵矣其形悽矣其聲既賡于飛復蹶於行方縮縮以憔悴遂奄奄而伶俜玷汚莫施其技攻鑽曷見其能或沿几而莫起或觸櫺而輒仆障不施以爲人塵未揮而先墮進退踟躕將焉攸措吁嗟乎寒蠅爾言爾寒能無爾憐感念嗚呼忽復長歎方夫太昊司辰祝融揮鞭赤日在地炎威赫然爾於斯時氣適志便曉足洋洋鼓翼翩翩翁分類征應兮羣喧逐汚湛醴醢醢飽腹弗召以合祛之莫殫恣意一時貽患百端吁嗟乎寒蠅詎知物從化遷時不可常惟暑爾乘寒宜爾藏庶知止而不殆或自道於喪亡爾乃淹留濡滯自撥其殃獨不見夫蠅游以夜梟鳴於晦妖狐乘昏尸蟲伺寐蓋有所肆尚有所避也豈趨就之憐憐能自逃於顛躓哉吁嗟乎寒蠅

始予爾憐亦終爾患念死灰之復燃將頹枝之再蔓矧羸豕之踴躍惟易絲之明鑒爰命童子攘臂執縛爾撲爾推用殄厥類靡令子遺羌除惡之務盡弗自嫌於乘危庶幾乎庭宇虛靜幃幄塞閑俟南風之景延當時物之葳蕤絕縹緲於爾輩欣四體之悠哉

廣憎蒼蠅賦

明霍景

原夫蠅之爲物也渺小精怪無處不到不識造物者何心而假之羽翼若故與斯人爲讎也歐陽子憎之作憎蒼蠅賦僕讀其文而有感因廣其說昔袁中郎著廣快編覽者情怡以先生雖嘗官學博然實快人耳僕本多恨故未能廣快而聊以廣憎爰賦曰

造化無端今生此醜類趨炎附熱今呼羣逐隊其多勝于出垤之螻蟻今其聲不必聚蚊而若雷但忖己之饕餮今弗容人以假寐高堂大廈錦屏繡幃每鑽刺而善人恆奔競以不離衣服失其素潔飲食變其芳菲繁惟爾之善點染而工蠹亂今夫豈僅於止樊而止棘若乃時逢溽暑汗流雨滴思往逃之黑甜之鄉庶神遊于羲皇之世而爾乃薨薨揖嘍嘍趨趨若顧影而突來不轉瞬而畢集領以赤頭號曰景迹雖無蜂蠆之毒大有吞噬之意于斯時也非無拔劍而斬之者而爾不懼亦有揮塵而驅之者而爾管營不屑去也方東撲兮爾西竄及南攻兮爾北移仗酷吏之行權如狐假虎威惟膏脂之沾濡俾簾幕之掃地余竊怪乎爾之肖形也能飛比于鳥乃凡鳥二足而爾六之善蝕擬于蟲乃凡蟲一齒而爾二之是以雖無利齒兮厥有鳥喙伴爲弱羽兮乃騁捷足以

余所聞振古以來薄海之內其受爾汚而被爾損迄于寤寐弗寧者蓋未可更僕數也而爾乃鼓其古飾其詞以巧辨于人曰吾乘陽生兮半隨陰伏惟春蠅而夏飛兮及秋呆而冬蟄偶同齊人而之墻間兮彼方行乞而吾已果腹會無妻妾之堪驕兮獨攜朋儕而徒備噉逮乎大火西流萬葉蕭瑟世皆悲扇扇于秋風兮吾已藏形而息機且夫物之剝人肝肺吸人腦髓者比比而然也而其或吮癰舐痔恬不爲怪竊謂分甘終身而不飽其慾者其貪其穢視吾將不啻平倍徒人第見詩人之比吾於讒夫而謂之交亂罔極兮又孰揣與吾語冰而茫乎未之或知是亦氣化之流轉而吾特率其固然兮彼廬陵者固賢人也而何獨於吾乎欲加之罪毋亦虞集誅伐之虛文而張詠怒罵之故智也欺噫逞爾之技惑爾之言宜若無惡於人者而豈知奸不在大愈小愈多害不在顯愈微愈深便柔佞惟爾兼之耶故夫雀可憎兮止穿我屋鼠可憎兮止穿我墻寧如爾之么麼其體蘊貪其性爭眉睫以毛求入綽簿而血食及乎族出蛆臣遺臭種種逼恤人之掩鼻而蹙額切齒而腐心者哉歐陽子憎之今其人已往矣僕之恨之殆未易以終窮焉不有毛穎君曷抒此憤而若欲與問罪之師以討爾於枕席之上及乎肘腋之間也則僕亦終未能效終軍之請纆而祇自附於賈太傅之一二太息

蠅說

徐芳

物有嗜炎而疾冷者木之桃李鳥之鶯燕蟲之蛙蟬蜂蚓吾不能悉數也其最甚者莫如蠅木無心者也鶯燕蛙蟬蜂蚓之屬春而進秋而退如是而已其他

小炎與冷不逮變也蠅則不然朝而炎則喧然來夕而冷則寂然去矣而夕之朝而復炎也則又喧然故其炎冷俄頃之間已也夫炎冷在俄頃之間變不已亟乎故天下之最可厭者莫如蠅或曰子無蠅之苛也天下之變有大是者子不察也今夫風無厚薄於人也而人欣厭焉欣之極而噉而呼之招之以簞也而厭之則屏而蔽焉戶墜之衣有罅而亟紉之矣不既怒於情乎日之在天終古如斯也胡睨而睨焉如慈父母之懷而聚煦也胡軋而語焉如讎而匿之行以蓋必廊焉居以帷必達焉廣廈幽岑之却伏而不一盼焉庸詎忘夫向者之族而煦乎他日不幸而有雪霜風露之侵偏而更驅之焉夫寧無愧於心耶然世安之如故也故風與日而無知耳如有知凡冬之墮而夏之簞者皆不免於唾笑者也且不見裘與葛乎裘有功於寒其多而人不錄也及夏而放焉葛力以爲己之遇勝於裘而冬日之笥又躊其後矣子無獨炎冷蠅也且夫鶯燕蜂蟬蛙蟬之屬行乎自然者也蠅有利於人則附之至於利盡則亦已也惟人則揉而祕之飴與醢之不測炎之極至爲之鳴吹無難而冷之變乃操戈入室而行所不顧由是言之人之可厭無乃甚於蠅哉予無以應俛而笑思昔之人有憎蠅而賦者其有所感也無亦苛細已夫書以爲蠅輩解嘲

蠅部藝文二

蠅

宋梅堯臣

青蠅何處來聚集滿盤間誰知腹中物變化如循環

凍蠅

楊萬里

隔牕偶見負暄蠅雙脚按掌弄曉晴日影欲移先會得忽然飛落別牕聲

蠅

明郭登

眇形纔脫糞中胎鼓翅搖頭可惡哉苦不自量何種類玉堦金殿也飛來

蒼蠅

朱之蕃

生從污穢忽雄飛鼓翅搖脣覓己肥刺酒殘羹沾醉飽青絲白壁妬光輝營營引類來同惡戀戀依人不暫違驅斥雖嚴還易集持將塵尾莫停揮

欽定古今圖書集成博物彙編禽蟲典

第一百七十四卷目錄

蠅部紀事

蠅部雜錄

蠅部外編

蠅虎部彙考

蠅虎圖

古今注魚蟲

潛確類書蠅虎

蠅虎部藝文一

蠅虎賦

蠅虎部藝文二詩

蠅虎

蠅虎部紀事

蠅虎部雜錄

青蚨部彙考

圖缺

淮南畢萬術青蚨

搜神記蠅蝸蠅蝸

酉陽雜俎青蚨

本草綱目釋名 集解

青蚨部雜錄

金龜部彙考

圖缺

爾雅釋蟲

說文蟻蚘

北戶錄金龜子

益部方物記金龜

本草綱目金龜子

金龜部藝文

金龜賦

金龜部紀事

守瓜部彙考

圖缺

爾雅釋蟲

吉丁部彙考

圖缺

本草綱目吉丁蟲

蜚蠊部彙考

蜚蠊圖

爾雅釋蟲

兼明書蜚蠊

爾雅翼蜚蠊

本草綱目蜚蠊釋名 集解 氣味 主治

蜚蠊部紀事

蜚蠊部彙考

螳螂圖

禮記月令

爾雅釋蟲

易緯通繫卦

汲冢周書時訓解

翰軒絕代語正斧

方言雜釋

酉陽雜俎野狐身游

埤雅螳螂

爾雅翼螳螂 蟬 蟬

劉侗促織志螳螂性怒

本草綱目釋名 集解 氣味 主治 發明 附方

直省志書升從釋

螳螂部藝文

螳螂賦

螳螂贊

螳螂拒轍賦

螳螂部紀事

螳螂部雜錄

晉成公綏

郭璞

唐陳鵬

禽蟲典第一百七十四卷

蠅部紀事

漢書昌邑王傳傳子賀既即位夢青蠅之矢積西階東可五六石以屋瓦版覆發視之青蠅矢也以問翼遂遂曰詩不云乎營營青蠅止於藩愷悌君子毋信讒言陛下左側說人衆多如是青蠅惡矣宜進先帝大臣子孫親近以爲左右如不忍昌邑故人信用讒諛必有凶咎願諷禍爲福皆放逐之臣當先逐至賀不用其言卒至於廢